

ხელშეკრულება

სახელმწიფო შესყიდვის შესახებ № _____

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად.

ქ. თბილისი

“_____“, 2018 წ.

შემსყიდველი: საქართველოს განათლებისა და მეცნიერების სამინისტრო, წარმოდგენილი ეკონომიკური დეპარტამენტის უფროსის ფუნქციითა შემსრულებლის ----- სახით;

მისამართი: ქ. თბილისი, დ. უზნაძის ქ. №52;

ტელ.: 2200 220

საბანკო რეკვიზიტები: სახელმწიფო ხაზინა, კოდი: TRESGE22; ა/ა GE24NB0330100200165022;

საიდენტიფიკაციო კოდი 202051224;

მიმწოდებელი: -----, წარმოდგენილი მისი დირექტორის ----- სახით,

მისამართი: -----

საბანკო რეკვიზიტები: -----

საიდენტიფიკაციო კოდი -----

ერთი მხრივ - შემსყიდველი და მეორე მხრივ - მიმწოდებელი, N NAT----- ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმინევით შესრულებისათვის.

1.3 „ღღე“, „კვირა“, „თვე“ – კალენდარული ღღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

ხელშეკრულების საგანს წარმოადგენს ინტელექტუალურ-მეცნიერებითი კონკურსების ორგანიზება-ჩატარების მომსახურების (CPV:79952000) შესყიდვა, წინამდებარე ხელშეკრულებისა და NAT ----- ელექტრონული ტენდერის პირობების (ასევე, თანდართული გეგმა-ხედვის) შესაბამისად.

3. ხელშეკრულების ჯამური ღირებულება

3.1 ხელშეკრულების ღირებულება შეადგენს ----- (დაზუსტდება ხელშეკრულების გაფორმების მომენტისთვის) ლარს.

3.2 გასაწევი მომსახურების ერთეულის ფასები (ეტაპების შესაბამისად) მოცემულია ქვემოთ წარმოდგენილ ცხრილში (დაზუსტდება ხელშეკრულების გაფორმების მომენტისთვის):

დასახელება	მომსახურების განვითარების ვადა		ფასი (ლარი)
საქართველოს ეროვნული ინტელექტ-ჩემპიონატი - ინტელექტუალური კონკურსების ორგანიზება	პირველი პერიოდი (ხელშეკრულების გაფორმებიდან 2018 წლის 31 ივლისის ჩათვლით)	I ეტაპი	
		II ეტაპი	
		ფინალი	
	მეორე პერიოდი (2018 წლის სექტემბრიდან 2018 წლის 20 დეკემბრის ჩათვლით)	I ეტაპი	
		II ეტაპი	
		ფინალი	

სულ ჯამური ღირებულებები (ლარში):

0

3.3 ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

4.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

4.2 ანგარიშსწორება იწარმოებს ორ ეტაპად, პირველი და მეორე პერიოდის დასრულების შემდგომ, ფაქტიურად გაწეული მომსახურების ღირებულების შესაბამისად, მიღება-ჩაბარების აქტის გაფორმების საფუძველზე.

4.3 მიმწოდებელთან ანგარიშსწორება განხორციელდება მიღება-ჩაბარების აქტის ხელმოწერიდან 10 სამუშაო დღის განმავლობაში.

4.4 წინასწარი ანგარიშსწორება არ გამოიყენება.

4.5 დაფინანსების წყაროს წარმოადგენს 2018 წლის სახელმწიფო ბიუჯეტი: “ზოგადი განათლების ხელშეწყობის პროგრამის“, საქართველოს ეროვნული ინტელექტ-ჩემპიონატის ქვეპროგრამა“ (პროგრამული კოდი 320213).

5. შესყიდვის ობიექტის მიღება-ჩაბარების წესი

5.1 შესყიდვის ობიექტი ჩაითვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდეგ.

5.2 მიღება-ჩაბარების აქტის გაფორმების საფუძველია წინამდებარე ხელშეკრულების მე-8 მუხლის 8.1 პუნქტით განსაზღვრული კონტროლის განმახორციელებელი პირის დასკვნა და მიმწოდებლის მიერ წარმოდგენილი ანგარიში.

5.3 შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს ----- (დაზუსტდება ხელშეკრულების გაფორმების მომენტისთვის).

6. შესყიდვის ობიექტის მიწოდების ვადა და ადგილი

6.1 მომსახურება უნდა განხორციელდეს ორ პერიოდად:

- პირველი პერიოდი - ხელშეკრულების გაფორმებიდან 2018 წლის 31 ივლისის ჩათვლით;

- მეორე პერიოდი - 2018 წლის სექტემბრიდან 2018 წლის 20 დეკემბრის ჩათვლით.

6.2 ორივე პერიოდი მოიცავს შემდეგ ეტაპებს:

- პირველი ეტაპი:

პირველი ეტაპის ტესტირება ტარდება სკოლებში, კლასების მიხედვით ცალცალკე (8,9,10,11);

- მეორე ეტაპი:

მეორე ეტაპის კონკურსები უნდა ჩატარდეს მუნიციპალიტეტებში (ადგილებზე ჩასვლით) ღონისძიების სახით, რომელსაც უნდა ახლდეს შოუს ელემენტები, იყოს სახალისო და საინტერესო. კონკურსი უნდა ჩატარდეს ერთ სივრცეში, თითო მუნიციპალიტეტის ყველა მონაწილისთვის ერთდროულად, თანაბარ პირობებში (და არა რამდენიმე ნაკადად);

- **ფინალი:**

მასობრივი ღონისძიება მუნიციპალიტეტებში (მეორე ეტაპზე) გამოვლენილი გამარჯვებული მოსწავლეების მონაწილეობით (თითოეული მუნიციპალიტეტიდან თითო მოსწავლე)

ფინალურ ღონისძიებას უნდა ჰქონდეს საზეიმო სახე, უნდა ახლდეს შოუს ელემენტები, იყოს სახალისო და საინტერესო. კონკურსი უნდა ჩატარდეს ერთ სივრცეში, ყველა მონაწილისთვის ერთდროულად, თანაბარ პირობებში (და არა რამდენიმე ნაკადად).

6.3 პირველი ეტაპის ჩატარების ადგილი: სკოლები

მეორე ეტაპის ჩატარების ადგილი: მუნიციპალიტეტი ან თვითმმართველი ქალაქი, ადგილებზე ჩასვლით

ფინალ(ებ)ის ჩატარების ადგილი: მუნიციპალიტეტი ან თვითმმართველი ქალაქი, ადგილებზე ჩასვლით

7. მხარეთა უფლება-მოვალეობები

7.1 მიმწოდებელი ვალდებულია უზრუნველყოს:

საგანმანათლებლო-შემეცნებითი კონკურსების ორგანიზება და ჩატარება (8-11 კლასი) - საქართველოს რეგიონებში (მუნიციპალიტეტები, თვითმმართველი ქალაქები) და თბილისში.

თითოეულ მუნიციპალიტეტში სკოლების ჩართულობა უნდა შეადგენდეს მუნიციპალიტეტში მოქმედი საჯარო სკოლების (სადაც არსებობს 8-11 კლასი) რაოდენობიდან მინიმუმ 70%-ს.

კონკურსში მონაწილეობა ხელმისაწვდომი უნდა იყოს ყველა საჯარო სკოლისთვის.

ინტელექტუალურ შემეცნებითი აქტივობები უნდა ჩატარდეს ორ პერიოდად, რომელთაგან თითოეული მოიცავს კონკრეტულ მუნიციპალიტეტში/ თვითმმართველ ქალაქში ინტელექტ-ჩემპიონატის პირველი ეტაპის ტესტირებას, მეორე ეტაპის კონკურსების ჩატარებას და პირველი და მეორე პერიოდის დასასრულს დასკვნითი (ფინალური) კონკურსის ჩატარებას.

7.2 მიმწოდებელმა ინტელექტუალურ-შემეცნებითი კონკურსის ორგანიზება უნდა უზრუნველყოს შემდეგი პირობების დაცვით:

პირველი ეტაპი:

მოსწავლეთა ინდივიდუალური (და არა გუნდური) ტესტირება სპეციალურად შედგენილი ტესტ კითხვარების მიხედვით სკოლებში (ტესტები მოიცავს შემდეგ საგნებს: ქართული ენა და ლიტერატურა, ისტორია, მათემატიკა, ფიზიკა, ბიოლოგია, ქიმია, გეოგრაფია და ზოგადი საკითხები) და მორგებულია შემდეგ კლასებზე ცალ-ცალკე: VIII; IX; X; XI.

თითოეულ საგანში ტესტები უნდა შეადგინოს სკოლაში მომუშავე მოქმედი პედაგოგებმა (ანუ სულ 7 პედაგოგი: ქართული ენა და ლიტერატურა, ისტორია, მათემატიკა, ფიზიკა, ბიოლოგია, ქიმია, გეოგრაფია).

ტესტირების ეფექტურად ჩასატარებლად უნდა არსებობდეს მოქმედი ინტერნეტპორტალი, რომელზეც აპრობირებულია ტესტების გამოქვეყნების, გაგზავნის და პასუხების მიღების სისტემა.

ტესტირების ეტაპები:

პირველი ეტაპის ტესტირება ტარდება სკოლებში, კლასების მიხედვით ცალცალკე (8,9,10,11), ტესტები უნდა მოიცავდეს ზემოთ ჩამოთვლილ 7 საგანს პლუს კითხვები ზოგადი განათლებიდან. ტესტირებაში მონაწილე თითოეულ მოსწავლეს უნდა დაურიგდეს ფურცლებზე ამობეჭდილი ტესტი ინდივიდუალურად.

პირველი ეტაპის ტესტების მიწოდება უნდა მოხდეს სკოლების მიერ შერჩეული უფლებამოსილი წარმომადგენლისთვის, კოდირებული სისტემით, სპეციალურ ვებპორტალზე დარეგისტრირების და მინიჭებული კოდების გამოყენების მეთოდით, შესაბამისად, ნებისმიერ დროს იყოს ხელმისაწვდომი სტატისტიკური დამუშავებისთვის ინფორმაცია სკოლების შესახებ (ტესტების მიწოდების დრო, პასუხისმგებელი პირის საიდენტიფიკაციო მონაცემები), სადაც ჩატარდება პირველი ეტაპის ტესტირებები.

თითოეული სკოლიდან ტესტირების შედეგების მიღება უნდა მოხდეს სკოლის მიერ შერჩეული საკონტაქტო პირის მეშვეობით, კოდირებული სისტემით, სპეციალურ ვებპორტალზე დარეგისტრირების და მინიჭებული კოდების გამოყენების მეთოდით, შესაბამისად, ნებისმიერ დროს უნდა იყოს ხელმისაწვდომი სტატისტიკური დამუშავებისთვის ინფორმაცია იმ პირის შესახებ, ვინც სისტემაში ატვირთა ტესტირების შედეგები (პიროვნების საიდენტიფიკაციო მონაცემები, შედეგების ატვირთვის დრო).

მეორე ეტაპი:

მუნიციპალიტეტის/თვითმმართველი ქალაქის კონკურსი ტესტირების პირველ ეტაპზე მონაწილე სკოლების მოსწავლეების ჩართულობით (მეორე ეტაპის კონკურსზე წარმოდგენილი უნდა იყოს პირველ ეტაპზე ჩართული ყველა სკოლის ერთი ან რამდენიმე, კონკურსში მონაწილეობის მსურველი მოსწავლე, მინიმუმ 60 მონაწილე)

მეორე ეტაპი ტარდება მუნიციპალიტეტებში (ადგილებზე ჩასვლით) ღონისძიების სახით, რომელსაც უნდა ახლდეს შოუს ელემენტები, იყოს სახალისო და საინტერესო. კონკურსი უნდა ჩატარდეს ერთ სივრცეში, თითო მუნიციპალიტეტის ყველა მონაწილისთვის ერთდროულად, თანაბარ პირობებში (და არა რამდენიმე ნაკადად) ღონისძიებას უნდა ჰყავდეს წამყვანი საზოგადოებისთვის და მოსწავლეებისთვის ცნობილი ადამიანი, რომელსაც აქვს ინტელექტუალური კონკურსების ჩატარების და წამყვანის გამოცდილება (რაც პროექტისადმი ინტერესსა და მასში ჩართულობას გაზრდის) ღონისძიება უნდა ჩატარდეს წინასწარ შერჩეულ ადგილას, შესაბამისი ტექნიკური საშუალებების გამოყენებით - გახმოვანება, პროექტორი, კითხვების ფართო ეკრანზე გაშვება (კონკურსის ყველა მონაწილისთვის თვალსაჩინოდ);

ინტელექტუალური კონკურსის მეორე ეტაპზე არ იყოს გამოყენებული ტესტები ფურცლებზე დატანილი სახით ტესტირების პროცესის სრული გამჭვირვალობის უზრუნველსაყოფად გამოყენებული უნდა იქნას სპეციალური ტექნიკური საშუალებები, კერძოდ: ინტელექტუალური კონკურსის მეორე ეტაპის ყველა მონაწილეს უნდა ჰქონდეს ინდივიდუალური მონყობილობა (შესაძლებელია პლანშეტი), რომელზეც ის ყველასგან დამოუკიდებლად შეძლებს დასმულ კითხვაზე საკუთარი არჩევანის დაფიქსირებას; სპეციალური პროგრამის გამოყენებით აღრიცხული უნდა იყოს თითოეული მონაწილის მიერ ყოველ კითხვაზე დაფიქსირებული სწორი პასუხი, დახარჯული დრო (სადაო შემთხვევაში გამარჯვებულის გამოსავლენად წამის მესაღებში) და დაგროვებულ ქულათა ჯამი; კონკურსის დასრულებისთანავე, შედეგები მყისიერად უნდა გამოცხადდეს საჯაროდ, ამონაბეჭდის სახით წარედგინოს ნებისმიერ დაინტერესებულ პირს და ასევე, სტატისტიკურად (დამუშავებული) სახით, საჭიროების შემთხვევაში მიწოდოს განათლებისა და მეცნიერების სამინისტროს.

ღონისძიების მიმდინარეობის პროცესში წამყვანმა უნდა დასვას ფართო აუდიტორიაზე მორგებული 2-3 ბლიცშეკითხვა, რაც საშუალებას მისცემს ღონისძიების მსვლელობაში ჩაერთონ ასევე ის მოსწავლეები, რომლებიც არ მონაწილეობენ კონკურსში, თუმცა ესწრებიან კონკურსს და ადევნებენ თვალს, მათი მოტივაციის ამაღლების, მსგავს ინტელექტუალური კონკურსებში მონაწილეობის მისაღებად დაინტერესების მიზნით.

კონკურსის მეორე ეტაპის დასრულებისთანავე ადგილზე უნდა მოხდეს მეორე ეტაპის ყველა მონაწილისთვის სიგელების გადაცემა, გამარჯვებულისთვის დიპლომის.

შესაძლებელია მეორე ეტაპის რამდენიმე აქტივობის ჩატარება ერთ ლოკაციაზე (ერთ რომელიმე კონკრეტულ მუნიციპალიტეტში გეოგრაფიული შერჩევის პრინციპის დაცვით) რამდენიმე მუნიციპალიტეტის გამარჯვებული მოსწავლეების გამოვლენის მიზნით.

ფინალი

მასობრივი ღონისძიება მუნიციპალიტეტებში (მეორე ეტაპის კონკურსებზე) გამოვლენილი გამარჯვებული მოსწავლეების მონაწილეობით (თითოეული მუნიციპალიტეტიდან/თვითმმართველი ქალაქიდან თითო მოსწავლე)

ფინალურ ღონისძიებას უნდა ჰქონდეს საზეიმო სახე, ახლდეს შოუს ელემენტები, იყოს სახალისო და საინტერესო. კონკურსი უნდა ჩატარდეს ერთ სივრცეში, ყველა მონაწილისთვის ერთდროულად, თანაბარ პირობებში (და არა რამდენიმე ნაკადად). ღონისძიებას უნდა ჰყავდეს წამყვანი საზოგადოებისთვის ცნობილი პირი, რომელსაც აქვს ინტელექტუალური კონკურსების ჩატარების და წამყვანის გამოცდილება, ჩატარდეს აღნიშნული მასშტაბის ღონისძიებისთვის შესაფერის ადგილას, შესაბამისი ტექნიკური საშუალებების გამოყენებით - გახმოვანება, პროექტორი, კითხვების ფართო ეკრანზე გაშვება (კონკურსის ყველა მონაწილისთვის თვალსაჩინოდ);

ფინალურ ღონისძიებას უნდა ჰქონდეს შემეცნებით-ინტელექტუალური კონკურსის სახე, არ იყოს გამოყენებული კითხვები ფურცლებზე დატანილი სახით. კონკურსის პროცესის სრული გამჭვირვალობის უზრუნველსაყოფად გამოყენებული უნდა იქნას სპეციალური ტექნიკური საშუალებები, კერძოდ: ინტელექტუალური კონკურსის ფინალური ყველა მონაწილეს უნდა ჰქონდეს ინდივიდუალური მონყობილობა (შესაძლებელია პლანშეტი), რომელზეც ის ყველასგან დამოუკიდებლად შეძლებს დასმულ კითხვაზე საკუთარი არჩევანის დაფიქსირებას; სპეციალური

პროგრამის გამოყენებით აღრიცხული უნდა იყოს თითოეული მონაწილის მიერ ყოველ კითხვაზე დაფიქსირებულ სწორი პასუხი, დახარჯული დრო (სადაც შემთხვევაში გამარჯვებულის გამოსავლენად წამის მეთვრამეტე და დაგროვებულ ქულათა ჯამი; კონკურსის დასრულებისთანავე, შედეგები მყისიერად უნდა წარედგინოს ნებისმიერ დაინტერესებულ პირს და ასევე, სტატისტიკურად (დამუშავებული სახით), საჭიროების შემთხვევაში მიენოდოს განათლებისა და მეცნიერების სამინისტროს.

პირველ სამ ადგილზე გასული მოსწავლეები უნდა დაჯილდოვდნენ დიპლომებით და კომპიუტერული ტექნიკის და აქსესუარების სასაჩუქრე ვაუჩერებით: პირველი ადგილი 1000 ლარიანი ვაუჩერი, მეორე ადგილი 800 ლარიანი ვაუჩერი, მესამე ადგილი 500 ლარიანი ვაუჩერი.

ლონისძიება უნდა ჩატარდეს მედიაკომპონენტების, კერძოდ, სატელევიზიო ჩვენების უზრუნველყოფის გათვალისწინებით. უზრუნველყოფილი უნდა იქნას ფინალური ღონისძიების პირდაპირი ინტერნეტ-ტრანსლირება და სატელევიზიო ეთერში გასაშვები მაღალი ხარისხის ვიდეოჩანაწერის მომზადება.

2018 წელს უნდა ჩატარდეს ორი ფინალური ღონისძიება:

1) 2017-2018 სასწავლო წლის დასკვნითი ფინალური კონკურსი არაუგვიანეს 2018 წლის 31 ივლისისა, რომელშიც მონაწილეობას მიიღებენ 2018 წელს ხელშეკრულების გაფორმებიდან 2017-2018 სასწავლო წლის ბოლომდე ინტელექტ-ჩემპიონატში ჩართული იმ მუნიციპალიტეტების გამარჯვებულები, სადაც ჩატარებული იქნება ორივე ეტაპი და იქნება გამოვლენილი გამარჯვებული მოსწავლე, ასევე განათლებისა და მეცნიერების სამინისტროს ქვეპროგრამა „საქართველოს ეროვნული ინტელექტ-ჩემპიონატის“ ფარგლებში 2017-2018 სასწავლო წლის - 2017 წლის სექტემბრიდან დეკემბრის ჩათვლით მუნიციპალიტეტებში ჩატარებული კონკურსების შედეგად გამოვლენილი გამარჯვებული მოსწავლეების მონაწილეობით.

2) 2018-2019 სასწავლო წლის შუალედური ფინალური ღონისძიება არაუგვიანეს 2018 წლის 20 დეკემბრისა - 2018 წლის სექტემბრიდან დეკემბრის ჩათვლით მუნიციპალიტეტებში პირველი და მეორე ეტაპის ჩატარების შედეგად გამოვლენილი გამარჯვებული მოსწავლეების მონაწილეობით.

• აქტივობები ასევე უნდა მოიცავდეს სკოლების სურვილის შემთხვევაში სკოლებისთვის წინამოსამზადებელ ტესტირებას (ტესტების ნიმუშების მიწოდებას სავარჯიშოდ), სკოლის სურვილის შემთხვევაში დახმარება სკოლისთვის ტესტირების შედეგების განხილვის, გამორჩეული მოსწავლეების წახალისების ორგანიზებაში. წინამოსამზადებელი ტესტების მიწოდება უნდა მოხდეს სკოლების მიერ შერჩეული უფლებამოსილი წარმომადგენლისთვის, კოდირებული სისტემით, სპეციალურ ვებპორტალზე დარეგისტრირების და მინიჭებული კოდების გამოყენების მეოთხით.

7.3 მიმწოდებელი ვალდებულია ყოველი პერიოდის დასრულებისას შემსყიდველს წარუდგინოს განხორციელებული მომსახურების ანგარიში.

7.4 მიმწოდებელი უფლებამოსილია მოსთხოვოს შემსყიდველს განუხილავი მომსახურების ღირებულების ანაზღაურება ხელშეკრულებით გათვალისწინებულ ვადებში.

7.5 შემსყიდველი ვალდებულია უზრუნველყოს განუხილავი მომსახურების ღირებულების ანაზღაურება ხელშეკრულებით გათვალისწინებულ ვადებში.

7.6 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულების კონტროლი.

8. ხელშეკრულების შესრულების კონტროლი

8.1 ხელშეკრულების შესრულების კონტროლს განახორციელებს ----- (დაზუსტდება ხელშეკრულების გაფორმების მომენტისთვის).

8.2 მიმწოდებლის მიერ ხელშეკრულებით გათვალისწინებული შესყიდვის ობიექტის შემსყიდველისათვის მიწოდებისას კონტროლის განმახორციელებელი პირი ამოწმებს და შესაბამისი დასკვნით ადასტურებს შესყიდვის ობიექტის შესაბამისობას ხელშეკრულებით გათვალისწინებულ პირობებთან და შემსყიდველის მოთხოვნებთან.

8.3 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების

შესრულების კონტროლის განხორციელებისათვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მონვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

8.4 თუ ხელშეკრულებით სხვა რამ არ არის გათვალისწინებული, ყველა გამოვლენილი ნაკლოვანების აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. ხელშეკრულების პირობების შეუსრულებლობა

9.1 ფორს-მაჟორული პირობების გარდა, შემსყიდველი უფლებამოსილია ხელშეკრულებით ნაკისრი ვალდებულების დაგვიანებით შესრულების შემთხვევაში, დააკისროს მიმწოდებელს პირგასამტეხლო ყოველ ვადაგადაცილებულ დღეზე სახელშეკრულებო ღირებულების 0,5%-ის ოდენობით.

9.2 მიმწოდებლის მიერ ხელშეკრულებით ნაკისრი ვალდებულების შეუსრულებლობის ან/და არაჯეროვანი შესრულების შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა ხელშეკრულების ღირებულების 5%-ის ოდენობით.

9.3 იმ შემთხვევაში, თუ მიმწოდებელი ხელშეკრულებით ნაკისრი ვალდებულების შესრულებას გადააჭარბებს 10 კალენდარული დღით, შემსყიდველი ითვებს უფლებას ცალმხრივად შეწყვიტოს ხელშეკრულება და ასევე, გამოიყენოს ამ მუხლის 9.3 ქუჩქტით გათვალისწინებული პირობები.

9.4 მე-4 მუხლის 4.3 პუნქტში მითითებული ვადის გადაცილების შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

9.5 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 1 თვის ვადისა.

10. ხელშეკრულების უზრუნველყოფის გარანტია

10.1 ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილია სს „----- ბანკის“ მიერ ----- გაცემული №----- საბანკო გარანტია თანხით - ----- ლარი, გარანტიის მოქმედების ვადა -----.

10.2 გარანტიით გათვალისწინებული თანხები შემსყიდველმა უნდა მიიღოს ყოველგვარი დამატებითი განმარტებისა და მტკიცებულების წარდგენის გარეშე, პირველი მოთხოვნისთანავე.

10.3 ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი უპირობო გარანტია გამოიყენება მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების გამო.

10.4 მიმწოდებლის მიერ ხელშეკრულებით ნაკისრი ვალდებულების სრულად შესრულების ან მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში, შემსყიდველი ვალდებულია დაუბრუნოს მიმწოდებელს ხელშეკრულების შესრულების უზრუნველყოფის გარანტია და/ან მასთან დაკავშირებული დოკუმენტაცია.

10.5 მიმწოდებლის ინიციატივით ხელშეკრულების შეწყვეტის შემთხვევაში შემსყიდველი უფლებამოსილია გამოიყენოს საბანკო გარანტია სრული ოდენობით.

10.6 შემსყიდველი უფლებამოსილია ხელშეკრულების შესრულების საბანკო გარანტია გამოიყენოს მიმწოდებლის მიერ ხელშეკრულებით გათვალისწინებული ნებისმიერი ვალდებულების შეუსრულებლობის შემთხვევაში.

11. ხელშეკრულებაში ცვლილებების შეტანა და ხელშეკრულების შეწყვეტა

11.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11.4 თუ რაიმე წინასწარ გაუთვალისწინებელი მიზეზების გამო წარმოიშვა ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს შესაბამისი ინფორმაცია.

11.5 იმ შემთხვევაში როდესაც საქართველოს კანონდებლობით განისაზღვრება იმგვარი პირობა რითაც ერთერთი მხარე ვეღარ ასრულებს ხელშეკრულებით გათვალისწინებულ ვალდებულებას, შესაბამისი მხარე უფლებამოსილია ცალმხრივად შეწყვიტოს ხელშეკრულება.

11.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. ფორს-მაჟორი

12.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჭარბო სანქციების გამოყენებას.

12.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

12.3 მიმწოდებლისთვის ფორს-მაჟორული გარემოების დადგომა უნდა დასტურდებოდეს საქართველოს სავაჭრო-სამრეწველო პალატის მიერ.

12.4 შესყიდველისთვის მიერ ფორს-მაჟორული გარემოების დადგომა უნდა დასტურდებოდეს კანონმდებლობით დადგენილი წესით.

12.5 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ინტერესთა კონფლიქტი

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმომწერი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

15. ხელშეკრულების მოქმედების ვადა

15.1 ხელშეკრულება ძალაში შედის მისი ხელმოწერის დღიდან და მოქმედებს 2019 წლის 31 იანვრის ჩათვლით, მხარეთა მიერ ნაკისრი ვალდებულებების სრულად შესრულებამდე.

15.2 მხარეები ვალდებული არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

16. ზოგადი დებულებები

16.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

16.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

16.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

16.4 ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი რჩება შემსყიდველს, ერთი – მიმწოდებელს.

მხარეები არსებითად ეთანხმებიან წინამდებარე ხელშეკრულების პირობებს, რასაც ადასტურებენ ხელმოწერით:

შემსყიდველის მხრიდან:

მიმწოდებლის მხრიდან:

ეკონომიკური დეპარტამენტის უფროსის ფუნქციითა
შემსრულებელი

